

Հայկական Գորգարուեստ

ՀԱՐՑԱԴՐՈՒՄՆԵՐ ԵՒ ՈՒՍՈՒՄՆԱՍԻՐՈՒԹԵԱՆ
ՍԿԶՐՈՒՆՔՆԵՐ

ՎԱՀՐԱՄ ԹԱԹԻԿԵԱՆ

Արեւելեան գորգի ուսումնասիրութեան շուրջ մէկդարեայ ժամանակաշրջանում ստեղծուել է գրքերի, ալպոմնների, դաթալուկների, մենագրութիւնների պատկառելի քանակութիւն: Մշակուել է համեմատաբար միասնական վերաբերմունք՝ թուադրման, դասակարգման հարցերում: Սահմանուել են տարածքային մեծ միաւորներ ընդգրկող «անատոլիական», «կովկասեան», «պարսկական», «միջինասիական», «չինական» գորգեր հասկացութիւնները, դրանք բաժանուել են խմբերի եւ ենթախմբերի: Կովկասեան գորգը ստացել է «Ղուբա», «Շիրվան», «Ղարաբաղ», «Ղազախ» եւ այլ ստորաբաժանումներ, որոնցից էլ առանձնացուել են աւելի տեղային՝ «Ջրաբերդ», «Լամբա-Ղարաբաղ», «Պերերեդիլ», «Ջալսուր», «Սնձորեսկ», «Սան-Ղարաբաղ» եւ այլ յօրինուածքներ: Փաստօրէն հաստատուել է գորգերի դասակարգման ու արժեքաւորման աւանդական վերաբերմունք, որը դժուար է անտեսել: Թւում է, ամէն ինչ պարզ է, կասկած յարուցող կողմեր չըկան, սակայն մի թէկուզ հպանցիկ հարցադրում՝ ստիպում է վերանայել դասակարգման հետ կապուած ոչ միայն մասնաւոր հարցերը, այլեւ խորհել գորգարուեստի ուսումնասիրութեան սկզբունքների մասին առհասարակ:

Ո՞րն է Հայկական գորգարուեստի, հայ ժողովրդի կիրառական արուեստի կարեւոր մի ճիւղի տեղը այդ ստորաբաժանումներին մէջ, մի գորգարուեստ, որը ամբողջական առած չի մտնում եղած ստորաբաժանումներից որեւէ մէկին մէջ, քանի որ այն չի ստեղծուել ոչ Անատոլիայում, ոչ Կովկասում, եւ ոչ Պարսկաստանում, այլ պատմական եւ ազգազրական առումով խիստ զատորոշ մի տարածքում, որը կոչւում է Հայկական Բարձրաւանդակ: Այդ պատմական բնաշխարհի

վրայ երկար ու ձիգ դարեր շարունակ ստեղծուել են հայկական մշակոյթի աչքի ընկնող արժէքները, զարգացել են ճարտարապետութիւնն ու նկարչութիւնը, խեցեղործութիւնն ու օսկերչութիւնը, որոնք քաջ յայտնի են աշխարհին եւ ունեն միաւորող ընդհանուր զծեր: Այդ մըշակութային համակարգում ինչո՞ւ է չի առանձնացում «հայկական գորգ» հասկացութիւնը: Գուցէ անիմա՞ստ է խօսել նման ստորաբաժանման մասին:

Դժբախտաբար, այդպէս էր մինչեւ վերջին ժամանակներս, երբ գորգարուեստի շատ գիտական հանգուցաւոր գորգը համարում էին Արեւելքից, հաւանաբար Միջին Ասիայից ներմուծուած մի իր: Գործման տեխնիկայի հետ նրանք ներմուծուած էին համարում ե՛ւ գորգի զարդանաչիւները, ե՛ւ յօրինուածքները: Այդպիսի մօտեցման պատճառը, մի կողմ թողած Առաջաւոր Ասիայի մշակոյթի մի կարեւոր էջ լրացրած հայ ժողովուրդի պատմութեան եւ արուեստի անդիտութիւնը, նաեւ այն է, որ անբաւարար չափով էին ուսումնասիրուել միջնադարեան աղբիւրները: Հայաստանի տարածքում հանգուցաւոր գորգի գոյութեան մասին վկայութիւն ունէր դեռեւս Քսենոփոնը (Ք. Ա. 5-րդ դար)¹: Անմիջապէս աւելացնենք, որ այդ ժամանակաշրջանի արտադրանք է առայժմ աշխարհում յայտնի ամենահին գորգը, որը սովետական հնագէտ Ն. Ռուզենկոն² 1947 թ. գտել է Լեռնային Ալթայի մի դամբարանում, յաւերժական սառածութեան շերտից, եւ դրա շնորհիւ բաւական լաւ պահպանուած: Պագիրիք կուրգանի գորգը արուեստի այլ ճիւղերում ստեղծուած սկզբունքների պատճենահանում է, այլ ունի զարդապատկերի եւ զարդագօտիների համամասնութեան այնպիսի յարաբերութիւն, որը բնորոշ է գորգարուեստին, ընդհուպ մինչեւ մեր ժամանակները: Ն. Ռուզենկոն բաւական զգուշաւոր է այդ նմուշի տեղայնացման հարցում եւ այն համարում է առաջաւորասիական-սկիւթական ոլորտի ստեղծագործութիւն, մի ոլորտ, որը պատմամշակութային ընդհանրութիւններ ունէր Հայաստանի հետ: Գորգն ունի երկու բաւականին լայն զարդագօտիներ, որոնցից մէկի վրայ եղջերուներ են, իսկ երկրորդի՝ աւելի լայնի վրայ մի մօթիֆ է, որը պարզաբանում է գորգի ծագումը: Զարդագօտու վրայ ձի հեծած կամ ձիու կողքին կանգնած հեծեալների հերթագայութիւն է, որը մեզ ծանօթ է Պերսոպոլիսի դարեհեան նշանաւոր պալատի քանդակներից, որտեղ հարթաքանդակները պատկերում են Աքեմենեան պետութեան

1. Քսենոփոն, Անաբասիս (թրգ. Ս. կրկեսաշարեան), Երևան, 1976, Գլ. Դ.:

2. Ն. Ռուզենկոյ, Հին Աշխարհի Գեղարուեստական Գորգերը եւ Գործուածքները, Մոսկուա, 1968 (ռուսերէն):

հպատակ ցեղերին ու ժողովուրդներին, իւրաքանչիւրին իր բնորոշ տարազով եւ նուէրներով, դրանց մէջ նաեւ հայերին, որոնք, ինչպէս յայտնի է, հարկ էին վճարում ձիերով, ինչպէս նաեւ զեղարուեստական իրերով: Պերսեպոլիսի քանդակաշարում, ինչպէս եւ Պաղիբիքի դորգի վրայ, հետիոտն եւ հեծեալ մարդկանց յաջորդականութիւնը պէտք է արտայայտեր խոնարհութիւն, ընծայաբերում: Պերսեպոլիսի քանդակներում, ճիշդ է, բացի հայերից՝ կան նաեւ ձի ընծայող այլ ցեղի ներկայացուցիչներ, բայց դրանց սաղաւարտն ու մօրուքները այլ ձեւեր ունեն, իսկ Պաղիբիքի դորգի ձիաւորներն իրենց կերպարանաւորմամբ յար եւ նման են հայերի հնագոյն քանդակներին: Արդեօ՞ք աշխարհի հնագոյն դորգի զարդապատկերը կապ չունի այդ արարողութեան հետ, եւ այն չի ընծայուել աքեմենեան արքաներին, ի լրումըն միւս հարկերի, մանաւանդ որ մնացած զարդանաչխերն էլ իրենց մերձադոր զուգահեռներն ունեն ուրարտական եւ հայկական արուեստում: Յատկապէս յիշարժան է դորգի կեդրոնը, որտեղ քառակուսիների մէջ ամփոփուած են բուսական բնոյթի զարդանաչխեր: Յար եւ նըման լուծում ունէին մինչեւ 20-րդ դարի սկիզբները Հայաստանի շատ վայրերում գործուած դորգեր, որպիսին մենք արձանագրել ենք Գանձակի դաշտում (Կիրովարազ), Նոյեմբերեանում, Եղուարդում եւ այլուր³: Գորդարուեստում մենք դեռ շատ կը հանդիպենք նման աւանդապահութեան դէպքերի:

Այսպէս ուրեմն, դեռ հնագոյն ժամանակներից մեզ յայտնի է հայկական հանդուցաւոր դորգի գոյութիւնը փաստող վկայութիւն եւ այն վաւերացնող իրեղէն ապացոյցը: Եթէ անգամ վերջինս չլինէր, 9-11-րդ դարերի բիւզանդական ու արաբական պատմիչների տասնեակ վկայութիւնները բաւական կը լինէին հաստատելու, որ հայկական դորգ ոչ միայն գոյութիւն ունեցել է, այլեւ իր որակական ու զեղարուեստական արժանիքներով համարուել է լաւագոյնը: Կարիք չկայ մէկ անգամ եւս կրկնել այդ վկայութիւնները, որոնք հաւաքուած են Բ. Բարտոլէի, Յ. Քիւրտեանի, Վ. Թեմուրճեանի, Բ. Առաքելեանի աշխատութիւններում⁴: Այս բոլոր վկայութիւնները վերաբերում են մի

3. Պաղիբիքի գարգի մասին իր հետաքրքրական դիտումներն ունի Լեմյել Ամիրեանը, տես՝ Lemyel Amirian, **The Origin of the Pazyryk Rug**, «Ararat» quarterly, 1979, No. 2 pp. 2-11.

4. Բ. Բարտոլէ, *Երկեր*, Է. հտր., Մոսկուա, 1971, էջ 212 (ռուսերէն): Յ. Քիւրտեան, *Գորգը Հայոց Մէջ*, Վեմետիկ, 1947: Վ. Թեմուրճեան, *Գորգադործութիւնը Հայաստանում*, Երեւան, 1955, էջ 26-47: Բ. Առաքելեան, *Քաղաքները*

ժամանակաշրջանի, երբ արեւելքից չէին սկսել սելճուք-թուրքերի, մոնղոլների ներխուժումները, իսկ դրանցից յետոյ ստեղծուած պատմամշակութային պատկերը հիանալի արտայայտուած է իտալացի նշանաւոր ճանապարհորդ Մարգոյ Բոլոյի ճանապարհորդական նոթերում, որտեղ ասուած է. «Թուրքմենիայի մէջ (13-րդ դարում այդպէս էր անուանուած Փոքր Ասիայի կեդրոնական մասը, Վ. Թ.) ժողովրդի երեք դասակարգեր կան: Առաջին-թուրքմեններ... նրանք բնակուած են լեռներում եւ սարահարթերում, ուր որ գտնուած են լաւ արօտավայրեր, որովհետեւ նրանց զբաղումը խաշնարածութիւնն է: ... Միւս երկու դասակարգերն են հայերն ու յոյները, որոնք առաջինների հետ խառն ապրում են քաղաքներում ու գիւղերում, զբաղուելով առեւտրով ու արհեստներով: Նրանք հիւսում են աշխարհի ամենանուրբ եւ ամենագեղեցիկ գորգերը»⁵:

Եթէ մինչեւ 13-րդ դարը գործուած ոչ միայն հայկական, այլեւ առհասարակ ոչ մի միջնադարեան գորգ մեղ չի հասել, ապա Մարգոյ Բոլոյից յետոյ, յատկապէս Փոքր Ասիայում գործուած գորգերը բազմաթիւ տասնեակ նմուշներով փաստագրուած են Վերածննդի շրջանի հոլանտացի, իտալացի, գերմանացի նկարիչների ստեղծագործութիւններում: Նախ՝ խաչակրաց արշաւանքները, ապա եւ Վենետիկի եւ Ճենովայի քաղաք-հանրապետութիւնների ճանապարհորդների, առեւտրականների եւ դիւանագէտների ուղեւորութիւնները բարբարոսութեան զգեստները թօթափող Եւրոպայի առջեւ բաց արեցին Արեւելքն իր բարձր մշակոյթով, եւ առաջին հերթին՝ Փոքր Ասիան, Մերձաւոր Արեւելքն ու Հայաստանը: Փոքր Ասիայի գորգերի մեծ արտահոսքը բնաւ զարմանալի չէ: Եան Էյքն ու Հանս Մեմլինկը, Փիերոյ Դելլա Պրանչեսկան, Անտելիկոյ Պրան, Պիլիպոյ Լիփիին, Դոմինիկոյ Չիոլանդան, Ռաֆայէլ Գարբոն, Լոթթոն, Հանս Հոլբայնը եւ ուրիշներ ոչ միայն ընդօրինակել են արեւելեան գորգեր, այլեւ իւրաքանչիւրը հնարաւորութիւն ունէր ըստ իր ճաշակի ընտրութիւն անելու, եւ այժմ յաճախ շատ գորգեր անուանուած են այն նկարիչների անունով, որոնց գործերում առաջին անգամ հանդիպել են դրանք — Հոլբայնի, Մեմլինկի, Լոթթոյի եւ այլն: Ըստ որում, գորգը նկարների յօրինուածքում չի գրաւել անկարեւոր տեղ. այն յաճախ տարածականօրէն ու գեղագիտօրէն կազմակերպել է նկարը: Բնական է, որ այդ ժամանակաշրջանում նկարիչների ուշադրութիւնը դրաւել են առաւել երկ-

եւ Արհեստները Հայաստանում Թ-ԺԳ. դդ., Ա. հտր., Երևան, 1958, էջ 290-294:

5. Յ. Յակոբեան, Ուղեգրութիւններ, Ա. հտր., Երևան, 1932, էջ 46-47:

րաչափական, խիստ լուծում ունեցող դորգերը, որոնք դաշն էին Վերածննդի շրջանի շէնքերի խճանկարներով ու կամարակապ ինտերյերներին: Դիտենք Սանոյ դի Պիետրոյի, Ամբրիջիոյ Լորենզեթթիի, Դոմինիկոյ դի Բարտոլոյի, Զիոթթոյի նկարներն ու որմնանկարները, որտեղ փոքրասիական դորգը այնքան մերուում է ինտերյերի հետ, որ դժուար է որոշել, թէ որտեղ է վերջանում այն, որտեղ սկսում մարմարէ կամ խճանկարած յատակը: 14-16-րդ դարերում Եւրոպայում մոտայիկ դորգերի նման «յարմարողականութիւնը» շրջապատին պատահական չէր, այն պայմանաւորուած էր հելլենիստական, եւ դրանից էլ հին՝ փոքրասիական ընդհանուր նախահիմքի գոյութեամբ, որը երկփեղկուելուց էլ յետոյ արձագանդուեց Արեւմուտքի եւ Արեւելքի արուեստներում: Եթէ յունական եւ հռոյմէական աշխարհում պալատները շոյալօրէն զարգարուած էին խճանկարներով, ապա Հայաստանում խճանկարների տեղը դրւում էին հսկայական դորգերը, որոնք ունէին ոչ միայն գեղադիտական, այլեւ պաշտամունքային նշանակութիւն: Այսպէս, Մուհամմեա Բար-Եահեա պատմիչի ասորական մի պատառիկում հաղորդում է, որ 911 թ. էմիր Սրուսաջը Մուքտադիր խալիֆին Հայաստանից ուղարկուել է 400 ձի, 30.000 շինար եւ եօթ հայկական դորգ, որոնցից մէկը աշխատուած էր տասը տարի եւ ունէր 800 քառակուսի մեթր⁶: Դա յիշուելի վիթխարի դորգ պէտք է լինէր, եւ հաւանաբար միջնադարից մեղ հասած շատ դորգեր աւելի հին դորգերի յորինուածքից կրճատուած հատուածներ են:

Վերածննդի շրջանում Եւրոպա հասած դորգերի մի մասի զարդանկարը ունէր հենց խճանկարային, ճարտարապետական լուծումներ: Այսպիսի դորգեր պահւում են նաեւ աշխարհի շատ թանգարաններում, դրանց ծագման մասին գրուել են բազմաթիւ ուսումնասիրութիւններ: Որքան արտաոց են դրանք սելճուքեան արուեստին վերադրողների կարծիքները⁷, որոնք զանց են առնում ոչ միայն արուեստաբանական կողմը, այլեւ Մարգոյ Բոլոյի յայտնի վկայութիւնը, նոյնքան կտրուկ է անվերապահօրէն դրանք հայ արուեստին վերագրելը⁸: Այդ ոճը վերլուծելու համար կարեւոր է 12-14-րդ դարերի Փոքր Ասիայում տիրող մշակութային պատկերի ըմբռնումը: Սելճուք-թուր-

6. Բ. Անախիւսմ, Քաղաքները եւ Արհեստները... էջ 292:

7. K. Erdman, **Der Orientalische Knapfteeppiche**, Tublingen, 1965.
Serare Yemkin, **Turk Hali Sanati**, Istanbul, 1974 ss 15-27.

8. Հ. Գայայեան, *Կապուղովահայ Դորգերը*, գեկուցում՝ կարդացուած «Հայ Արուեստի 2-րդ Միջազգային Համագումար»ում, Երևան, 1978:

քական նուաճումներից յետոյ ստեղծուել էր սելճուքեան պետութիւնը, որի կառավարող վերնախաւն էլ հանդիսանում էր արուեստի ըստեղծագործութիւնների հիմնական պատուիրատուն: Հայ, պարսիկ, վրացի, արաբ, յոյն ճարտարապետները եւ վարպետները ստեղծում էին մզկիթներ, դամբարաններ, յախճապակի, գործուածքներ, որտեղ խաչաձեւուած էին ոճերն ու ժամանակները, սակայն գերիշխողը անմիջականօրէն այդ ժամանակաշրջանին նախորդող Անիի ոճն էր, որտեղ այդ խաչաձեւումն արդէն առկայ էր, եւ ստեղծուած էր առանձնապատուկ պալատական զարդարուեստ, որը պատմական հանգամանքների բերումով տեղում չզարգացաւ, այլ հարեւան երկրներում⁹: Փոքրասիական 14-րդ դարի բազմաթիւ գորգերի զարդանկարներում տեսնում ենք Անիի նշանաւոր գրակալների, Մշոյ Առաքելոց եկեղեցու դրան, Անիի եւ Դուրինի ձուլածոյ զարդաձեւերի շարունակութիւնը:

Մեր ասածը լրացնում է մի շատ կարեւոր աղբիւր, որի վրայ հետազոտողները ուշադրութիւն չեն դարձրել: Չէ՞ որ այդ շրջանում գորգեր հանդիպել են ոչ միայն եւրոպական նկարիչների, այլեւ հենց հայկական, ասորական մանրանկարիչների ստեղծագործութիւններում: 1232 թ. Գրիգորի ծաղկած հռչակաւոր Թարգմանչաց Աւետարանում, որի ոճը մի շարք հետազոտողներ կապում են Կապադովկիայի հետ, «Աստուածամօր Հանդիստը» տեսարանում՝ Աստուածամօր մարմինը դրուած է բաւական յստակ պատկերուած գորգի վրայ, որի վարդանկարից ընթերցուած են Տ-անման նախշերը, որոնք խիստ բնորոշ են հայկական գորգարուեստի համար: Հանգուցեալի մարմինը գորգի վրայ դնելու սովորութիւնը գալիս է խոր հնուց, դուցէ եւ սկզբնանապէս այդ նպատակին ծառայել են յատուկ զարդանկարով գորգեր: Բնորոշ է, որ Ֆիլիփոյ Լիփփիի նկարներից մէկում նոյնպէս մահացած ազնուականը պառկած է հայկական նկարագիր ունեցող գորգի վրայ: Վերածննդի նկարչութեան մէջ հանդիպող բազմաթիւ աստուածամայրերի ոտքերի տակ փռուած են գորգեր: Նմանօրինակ հնագոյն լուծումները նոյնպէս պէտք է որոնել Հայաստանում եւ քրիստոնէական Արեւելքում: Հայկական մանրանկարչութեան մէջ դեռեւս 13-րդ դարում տեսնում ենք ոտքերի տակ փռուած գորգեր, որոնք, սակայն, չեն պատկերուած մանրակրկիտ կերպով: Դա հասկնալի է. հայ մանրանկարչի համար գորգը սովորական իր էր, նա շուայլօրէն օգտագործում էր ժողովրդական արուեստից, նաեւ գորգերից վերցրած վարդանախշերը, դրանք ցրելով խորաններում, լուսանցքազարդերում, բայց անփոյթ էր պատկերում բուն գորգերը, որովհետեւ չէր ընդօ-

9. Տես՝ Յ. Օրբելի, Սելջուկեան Արուեստի Մասին, Երևան, 1978:

րիմակում, գորգը որպէս կենցաղի մի մաս նրա մտքումն էր: Ճիշդ այնպէս, ինչպէս մեր հայ պատմիչները քիչ տեղեկութիւններ ունեն հայ ազգագրութեան վերաբերեալ, դրանք ինքնին պարզ, աւելորդ համարելով: Սակայն հարթաքանդակներում մենք ունենք գորգի պատկերման երկու հիանալի նմուշներ. դրանք հայ ճարտարագետ, քանդակագործ եւ մանրանկարիչ Մոմիկի երկու պատկերաքանդակներն են, որոնք պատկերում են Աստուածամօրը՝ մանկան հետ, եւ կատարուած են 1321-1333 թուականներին՝ Արենիի եւ Վայոց Ձորի նորավանքի եկեղեցիների բարաւորների վրայ: Երկուսի վրայ էլ նոյն դորդըն է, որի յօրինուածքը բաղկացած է միմեանց հետ հատուղ բեկբեկուն զծերից: Թուժ է, թէ քանդակագործը նկատի չի ունեցել որոշակի զարդանկարներ, մանաւանդ որ աւելի վաղ յուշարձաններում — Դսեղի Սուրբ Գրիգոր Բարձրաքաչ եկեղեցում, Մակարավանքի դմբէթի վրայ եւ Դսեղի դերեզմանոցի խաչքարերից մէկի վրայ նոյնպէս փորագրուած է այդ յօրինուածքը: Սակայն վերջին երկու յուշարձանների յարդարանքում էլ ուժեղ է ժողովրդական եւ կիրառական արուեստի՝ խեցեղործութեան, անկուածագործութեան¹⁰, փայտի փորագրութեան ազդեցութիւնն առհասարակ, եւ բացի դրանից՝ հայկական բազմաթիւ դորգերի յօրինուածքների, այդ թւում եւ դասական վիշապադորգերի զարդապատկերների վերլուծութիւնը ցոյց է տալիս, որ իրար հատուղ բեկբեկուն զծերով յօրինուածքներ հանդիպում են բազմաթիւ անդամներ:

Այս փաստերը վկայում են, որ Արեւմուտք են անցել ոչ միայն գորգերը, այլեւ դրանց հետ կապուած մի շարք սովորութիւններ:

Գորգի պատմութիւնը լուսաբանող հնագոյն աղբիւրների ու նիւթական վիճակութիւնների ընդհանրացումը մեզ յանդեցնում է մի մտքի, որը թերեւս կ'օգնի ճշդելու գորգի մի կարեւոր ֆունկցիա եւս: Փաստօրէն, գորգը շարունակ արդիւնահանուելով հեռաւոր երկրներ, նպաստել է զարդանախշերի, սովորութիւնների փոխանցմանը, տարբեր ժողովուրդների մշակոյթների շփման սերտացմանը, այսինքն՝ հանդիսացել է հաղորդակցութեան միջոց տեղային մշակոյթների միջեւ¹¹:

10. Բրդից, բամպակից, վուշից, կամեփից, մետաքսից գործուածքներ արտադրելու արհեստը, որը Հայաստանում յայտնի է եղել մի շարք անուաներով: Դրա մէջ են մտել ասուագործութիւնը, մետաքսագործութիւնը, ոսկեքել դիպուկների ծաղկագարդ եւ մկարագարդ գործուածքների արտադրութիւնը, ելլմ. (Վ. Թ.):

11. Վ. Թաթիկեան, Գորգագործութիւնը Որպէս Միջոց Հաղորդակցութեան Տեղական Մշակոյթի, գեկուցում՝ կարդացուած «Հաղորդակցութիւնների Դրուբեան Գործումներին» համագումարում, «Թեգիսներ», Երևան, 1978:

Անգամ մեր կատարած համառօտ քննութիւնից երեւում է որ ծանրակշիռ փաստեր կան Հայաստանը համարելու գորգի ծագման ու տարածման օճախներէից մէկը: Հնարաւոր է ըստ պատմական աղբիւրներէ վիկայութիւններէ կամ պահպանուած եւ ընդօրինակուած նմոյշներէ վերականգնել գորգի պատկերը աւելի քան երկու հազարամեակի ընթացքում: Այս պարագային զարմանալի է «հայկական գորգարուեստ» հաւաքական իրողութեան անտեսումը շատ ուսումնասիրողներէ կողմից, հայ վարպետներէ ստեղծած եւ ոճականօրէն միասեռ արժէքներէ արհեստական բաշխումը՝ անատոլիական, կովկասեան եւ պարսկական դպրոցներէ: Սակայն համառօտ մի հայեացք ձգելով արեւելեան գորգի ուսումնասիրութեան պատմութեան վրայ, կարելի է «հասկանալ» այդ միտումը եւս:

Բանն այն է, որ հայկական եւ կովկասեան գորգերի բուռն հաւաքումը եւ առաքումը Եւրոպա եւ Ամերիկա սկսուեց 19-րդ դարի վերջին եւ 20-րդ դարի սկզբներին, իսկ հիմնական զասակարգումը կատարուեց 20-րդ դարի տասնական թուականներին եւ դրանից յետոյ: Այդ երկու տասնամեակում կատարուած ծանր իրադարձութիւնները արմատապէս փոխեցին Առաջաւոր Ասիայի ազգազրական քարտէսը, Հայկական Բարձրաւանդակի մեծ մասը դատարկելով նրա արմատական բնակչութիւնից՝ հայերից: Պատահական չէ, որ այդ չրջանում գորգի հիմնական գնորդը զարձաւ կայսերական Գերմանիան՝ սուլթական Թուրքիայի դաշնակիցն ու հովանաւորը, որն առաջին հերթին օգտուեց հայկական ցեղասպանութեան հետեւանքներից եւ տիրացաւ հայ վարպետներէ ստեղծած մշակութային բազմաթիւ արժէքների, այդ թւում նաեւ գորգերի: Սակայն մինչեւ ցեղասպանութիւնը, 1906 թուականին արդէն լոյս էր տեսել չուէտացի ականաւոր արուեստարան Ֆրետերիկ Մարթինի կոթողային աշխատասիրութիւնը՝ «Արեւելեան Գորգի Պատմութիւնը Մինչեւ 1800 թուական»¹²: Նա միակ գիտնականն է, որ գորգարուեստի ուսումնասիրութեամբ զբաղուել է մինչեւ ազգազրական ու մշակութային քարտէսը հիմնովին աղաւաղող դէպքերը, հնարաւորութիւն ունենալով ճշգրտել շատ գորգերի ստեղծման օճախները, բացայայտելով հայ գորգի առաջատար գիրքը արեւելեան գորգարուեստում: Ճիշդ է, Ֆրետերիկ Մարթինը տուրք է տալիս որոշ սխալներէ, յատկապէս վիշապագորգերի ծագման, դրանց ակունքների մասին խօսելիս, ինչպէս նաեւ սահմանափակում է այդ կարեւոր տիպի տարածումը միայն Արեւմտեան Հայաստանով —

12. F. Martin, *A History of Oriental Carpets Before 1800*, London, 1906.

Վասպուրականով, սակայն, նա հիմնականում ճիշդ է դասակարգում գորգը ըստ նրա ժամանակադրութեան, նրա կրած բնաշրջման: Ինչոր տեղ նրա արած աշխատանքի շարունակութիւնը պէտք է համարել պոլսահայ արուեստարան Արմենակ Սաքըղեանի¹³ ուսումնասիրութիւնները, որն արդէն աշխատում էր պատերազմից յետոյ եւ բացառիկ ծանր պայմաններում. այսուհանդերձ հայկական գորգի բնաշրջման ընթացքը նա հասցրեց մինչեւ 20-րդ դարը:

Սակայն պատերազմի ժամանակ եւ դրանից յետոյ Գերմանիայում բուռն գործունէութիւն էին ծաւալել արեւելեան գորգի մի խումբ գիտականեր, որոնք տուրք էին տալիս երկրի քաղաքագէտների պաշտօնական տեսակէտներին, իրենց դրքերում ոչ միայն լուռութեամբ անտեսելով հայկական ինքնատիպ գորգարուեստի գոյութիւնը, այլեւ կասկածներ յայտնելով հայերի արուեստի ունակութիւնների մասին աւհասարակ: Նրանցից մի մասը Ֆ. Մարթինին հերքում է սոսկ յայտարարութիւններով, զանց առնելով նրա արուեստարանական փաստարկումները, իսկ միւս մասը շրջանցում է լուռութեամբ: Չնայած դրան, ստեղծուող բազմաքանակ գրականութեան մէջ հանդիպում են աւելի սթափ աշխատութիւններ, որոնք կարելւոյն չափ փորձում են գիտական շրջանառութեան մէջ դնել նաեւ «հայկական գորգ» հասկացութիւնը: Բնորոշ է, որ խիստ ժխտական վերաբերմունք ունեցող հետազոտողներից ոմանք էլ, ինչպէս օրինակ Հայնրիխ Եակոբին, որը 1923 թ. հրատարակած իր ուղեցոյցում ժխտում էր հայկական գորգարուեստի գոյութիւնն իսկ, 1949 թուականին վերանայում է իր տեսակէտները, հայկական գորգին տալով առաջնակարգ տեղ Կովկասի գորգագործութեան մէջ եւ գետեղելով սկզբունքային նշանակութիւն ունեցող երեք հայկական գորգերի վերատպութիւններ¹⁴:

Առ այսօր լոյս են տեսել բազմաթիւ մենագրութիւններ, ալպոմներ, գաթալուկներ, իրարամերժ տեսակէտներով, սակայն զրանով գորգի ուսումնասիրութեան վիճակը քիչ է փոխուել, որովհետեւ չի կատարուել այն աշխատանքը, որը հիմք պէտք է ծառայեր ամէն տեսակ ենթադրութիւնների, դասակարգումների համար: Այստեղ արուեստարանութիւնը սուր կարիքն ունէր օգտուելու քսաներորդ դարում բուռն զարգացում ապրած այնպիսի գիտութիւնների զինանոցից,

13. A. Sakessian, **Les Tapis A Dragon et Leur Origine Arménienne**, «Syria» IX, 1928, pp. 238.


14. H. Jacoby, **Eine Sammlung Orientalische Teppiche**, Berlin, 1923. H. Jacoby, **How To Know Oriental Carpets and Rugs**, 1949, p. 25.

ինչպիսիք են հնագիտութիւնն ու ազգագրութիւնը: Աշխատելով անհամեմատ աւելի դժուարին պայմաններում, հնագէտները կարողացան պեղել եւ երեւան հանել Առաջաւոր Ասիայի անհետացած մշակոյթը, համեմատական եղանակով պարզել խեցեղէնի եւ արտադրութեան այլ իրերի տեսակները, դասակարգել դրանք ժամանակային եւ տարածքային առումներով: Ազգագրագէտները ուսումնասիրեցին տարբեր ժողովուրդների եւ նոյն ժողովրդի ազգադրական տարբեր խմբերի ծէսերն ու սովորութիւնները, հասարակական կեանքը եւ այլն: Այնինչ արուեստաբանները բաւարարուեցին դրասենեակային հետազոտութիւններով այնպիսի հետախուզական աշխատանքներ պահանջող ասպարէզում, ինչպիսին կովկասեան գորգն էր, մի խիստ պայմանական անուն ստացած հասկացութիւն, որը վերադրուել է տասնեակ ժողովուրդների ու ազգութիւնների կողմից ստեղծուած տարբեր գորգերին: Զարմանալի չէ, որ եւրոպական ոչ մի դիտնականի ուսումնասիրութեան մէջ չենք հանդիպել խոշոր թերութիւններով շտառապող կովկասի քարտէսի. կան միայն աղօտ պատկերացումներ առանձին ժողովուրդների բնակման վայրերի մասին: Այնինչ հայ ժողովրդի արեւմտեան հատուածի կորստեան ու նրա ստեղծած արժէքների օտարման պայմաններում, շատ կարեւոր է գիտակցել նրա արեւելեան հատուածի եթէ ոչ պատմամշակութային դերը, այլապէս նրա բնակութեան ճիշդ վայրը...:

Մակերեսային նման մօտեցումը յանդեցրել է լուրջ հետեւանքների: Ի հարկէ, միշտ չի կարելի մեղադրել արուեստաբաններին, որոնք իրենց աչքի առաջ ունեն գորգարուեստի բաւական բարդ պատկեր՝ իրար չկրկնող, եւ միեւնոյն ժամանակ մի աննկատ, բայց ամուրթելով իրար կապուած հազարաւոր զարդանկարներով գորգեր: Կիրառական արուեստի այդ ճիւղը միշտ էլ գտնուել է տարբեր ժողովուրդների արուեստների շփման կիզակէտում: Չկայ արուեստի մէկ այլ իր, որն աւելի անմիջականօրէն արձագանդի ժամանակի պահանջներին, ստեղծողի ճաշակին ու հմտութեանը: Ժողովրդական վարպետները անկանխակալ մօտեցումով օգտուել են հարեւան ժողովուրդների զարդաձևերից: Եւ չնայած այդ բուն շփումներին, որոնք յաճախ անճանաչելիօրէն փոխում են գորգի տարածման պատկերը իւրաքանչիւր դարի ընթացքում, չեն վերանում գորգը արհեստից արուեստի աստիճանին բարձրացնող չափանիշները, չի ստեղծուած յօրինուածքների խառնիճաղանճ բազմութիւն: Գորգը ենթարկուած է բաւական ճշգրիտ պատմա-աշխարհագրական եւ ազգադրական բաժանման, սակայն, դրա համար պէտք է քրտնաջան աշխատանք տեղում, եւ միայն տեղադրական քննութիւնից յետոյ կարելի է խօսել գորգի ծագումաբանութեան, իմաստաբանութեան եւ այլ հարցերի մասին:




Նկար 1. Սաչակեղրոն վիշապադորդ, 18-րդ դար :




Նկար 2. Վարդանիշյանի, 19-րդ դարի սկիզբ :



Նկար 3. Արժուագորգ, 19-րդ դարի վերջին ֆառորդ :



Նկար 4. «Վեղապահանդեսի» յօրհնամոճիկ գորգ, 1881 թ.:



Նկար 4ա. Նկար 4-ի հատուած :



Նկար 5. Վիշապագորգ, 19-րդ դարի սկիզբ :



Նկար 6. Ասողազորդ, 19-րդ դարի վերջ :



Նկար 7. Մեղրիում ստեղծուած կարպետ, 1884 թ․



Նկար 8. Թուչնային եւ օճային խորհրդանիշներով կարպետ, 1908 թ. :

Պատմական նահանգներին, գաւառներին եւ անգամ տարածքային աւելի փոքր միաւորներին բնորոշ են միմեանց ազգակից յօրինուած քննարկ վորդերի տիպեր: Ամենից աղքատ գորգագործական օճախներում անգամ գործուել են տասնեակից աւելի զարդանկարներով գորգեր, իսկ աւելի հարուստ օճախներում՝ դրանց թիւը հասնում է մի քանի տասնեակի: Ժամանակն է կրկին անդրադառնալու այն հարցին, որը շօշափեցինք յօդուածի սկզբում. ուրեմն, ինչպէ՞ս է կատարուում գորգերի դասակարգումը: Ինչպէ՞ս են միմեանցից տարբերուում «Շիրվանն» ու «Ղուբան», «Ղարաբաղն» ու «Ղազախը», այդ խմբերից առանձնացուում «Ջրաբերդ» ու «Կարաղաչի», «Խնձորեսկ» ու «Աղստաֆա» յօրինուած քննարկը: Չէ՞ որ նոյն վայրերում գործուում են այլ յօրինուած քննարկներ եւս: Եթէ խորանանք գորգի աշխարհագրութեան մէջ, կը տեսնենք որ «Ջրաբերդ» կոչուած գորգը բացառիկ լայն տարածում ունի եւ հանդիպում է դերազանցապէս հայկական գորգագործական օճախներում, «Շիրվան» ընտանիքին վերագրուած «բոթեհ» զարդանախշերով մի գորգի լաւագոյն նմուշները ստեղծուել են Եղէզնաձորի շրջանի դիւղերում, իսկ «Աղստաֆա» անուանուած յօրինուած քննարկը կարող է հանդիպել ուր ասէք, միայն ոչ Աղստաֆայում: Արդի Հայաստանի տարածքի վրայ չի աշխատել գորգի մասին ուսումնասիրութիւն գրած եւրոպացի ոչ մի մասնագէտ, եւ բնաւ զարմանալի չէ, որ գորգի նմուշը Հայաստանից դուրս գալուց յետոյ յարմարեցուում է հնացած, իրականութեան չհամապատասխանող պիտակներին:

Իսկ մի՞թէ այդքան կարեւոր է գորգի տիպերի տարածման քարտէսի ճշգրտումը: Չէ՞ որ կայ ներկայումս գորգի վաճառահանման փորձառութեան մէջ, ցաւօք, տեղ գտած վերաբերմունք. գորգը դասակարգել ոչ թէ ըստ զարդապատկերի, դրա հետ կապուած իմաստարանական համակարգի, այլ... ըստ արհեստագիտական յատկանիշների¹⁵: Ստացուում է այնպէս, որ բարձր խտութեան ու որակի գորգը, գործուած լինի այն Ղարաբաղում, թէ Լոռիում, յարմարեցուում է «Ղուբա» պիտակին, եւ այսպէս շարունակ:

Այո, կարեւոր է: Որովհետեւ գորգերը կիրառական արուեստի սովորական իրեր չեն, այլ գրաւում են առանձնայատուկ տեղ ժողովրդական արուեստում: Դրանց զարդապատկերների վերլուծութիւնը բացայայտում է հեթանոսական ժամանակներից եկող տիեզերածնական, բնապաշտական ու դիցաբանական պատկերացումներն արտացոլող իմաստահամակարգեր: Դրանք ձեւաւորուել են պատմական մի ժամանակաշրջանում, երբ արդէն առկայ էր քաղաքակրթութեան մի

15. Խաւել, Անդրկովկասի Գորգարդիւնաբերութիւնը, Թիֆլիս, 1939, էջ 173-193 (ռուսերէն):

որոշակի մակարդակ, որը բնորոշում էր բազմաձևիչ տնտեսութեամբ, ցեղային, ապա եւ պետական առաջին միաւորների, եւ այդ ամենի անդրադարձը հանդիսացող հաւատալիքների ձեւաւորուած դրութեան դոյութեամբ: Հետագայ դարերում՝ քրիստոնէութիւն ընդունելուց յետոյ, դորդերի արտայայտած դադափարները մոռացուել են կամ աղօտացել, բայց կան որոշ տիպեր, որոնք ունեն խիստ աւարտուն, կատարեալ յորինուածքներ, որտեղ նմանօրինակներում ձեւն ու իմաստը եղել են այնքան միաձույլ, որ դրանք խորհրդանշանների մոռացուելուց յետոյ անզամ աւանդօրէն փոխանցուել են դարեր շարունակ:

Ուսումնասիրողների ուշադրութիւնը միշտ գրաւել է հայկական եւ կովկասեան գորգարուեստում մի հնագոյն զարդաչերտ, որը բազկացած է կենդանակերպ ոճաւորուած պատկերներից: Զանազան մեկնարանումներով հանդիպում են հակիմաստ պատկերներ — արծիւն ու վիշապը, խոյն ու կարիճը, ցուլն ու կրիան, եւ այլն¹⁶: Կան բարդ յորինուածքներ, ասեւք դասական վիշապագորգերը, որտեղ հաղնիպում են բազմաթիւ կենդանակերպեր, կան նաեւ դորդեր, որոնց զարդանկարի հիմքում ընկած է խոշորացուած մէկ կենդանակերպ — վիշապ կամ կրիայ, արծիւ կամ կարիճ: Մեր կարծիքով, բարդ ու պարզ յորինուածքները արտացոլում են ե՛ւ գորգի զարգացման տարբեր աստիճաններ, ե՛ւ կապուած են ներ-էթնիկական կազմաւորման ընթացքի հետ:

Հայ ժողովրդի կազմի մէջ են մտել մի քանի ցեղային միաւորումներ. դրանցից իւրաքանչիւրն էլ էթնոսի կազմի մէջ ներմուծել է միմեանց աւելի ազդակից ցեղերի մի խումբ: Անշուշտ այդ բոլոր ցեղերը ունեցել են իրենց զինանշանները, որոնք եղել են տոտեմական ու բնապաշտական հասկացութիւնների վերացարկումը: Վանի թագաւորների թողած սեպագիր արձանագրութիւններից պարզում է, որ ուրարտական դիցարանը բազկացած էր մի քանի տասնեակ աստուածներից, որոնք ցեղային էին, իսկ նրանց զլխաւերելում կանգնած են բուն բիսյանական աստուածներ՝ Խալդը, Թեյշերան, Շիվինին: Հազիւ թէ բոլոր այդ աստուածներն էլ ունենային տարբեր նշանակութիւն: Դիցարաններում ամենից կարեւոր պաշտօններն իրենց վրայ են վերցրել ամենաշատը մէկ տասնեակ աստուածներ: Պէտք է ենթադրել, որ ազգակից տարբեր ցեղեր ունէին համանման տոտեմներ, դրանց արտացոլումն էլ զարդարուեստում բաւական մօտ էր, սակայն դոյու-

16. Վ. Թաքիլեան, Պատկերահամակարգերը Հայկական Կարպետների Տեղայնացած Մի Ընտանիքում, զեկուցում՝ կարդացուած Հնագիտութեան եւ Ազգագրութեան ինստիտուտի երիտասարդ Գիտնականների համագումարում, «Թեզիսներ», Երեւան, 1980:

Թիւն ունէին առանձին կենդանակերպեր, որոնք յատկապէս պաշտուած էին Հայկական Լեռնաշխարհի ցեղերի կողմից եւ զարդարուեստում արտացոլուել են բազմաթիւ տարբերակներով: Աւատատիրական տները նոյնիսկ քրիստոնէութեան ընդունումից յետոյ պահպանեցին իրենց վաղնջական զինանշանները: Յայտնի են Արշակունիների, Սիւնիների, Բագրատունիների, Արծրունիների, Ջաջարեանների ու Խաղբակեանների եւ բազմաթիւ այլ տների տոհմանշանները, որոնք համեմատելի են մէկ կենդանակերպից բաղկացած գորգերի յօրինուածքների հետ: Այսպէս օրինակ, Լոռու Գսեղի Մամիկոնեանների երկգլխանի արծիւը չէ՞, որ հետագայում պահպանուել է Գուգարքի աւելի խուլ, անմատչելի վայրերում (մինչեւ 20-րդ դարի 3-րդ տասնամեակը Շամշադինի շրջանում գործուում էր մի իւրօրինակ գորգ, որի մեծ, կենդանակերպ զարդանախշը երկգլխանի թագակիր արծուի ոճաւորում էր): Նոյեմբերեանի շրջանի զիւղերում գործուում էին կարպետներ, որոնց զարդադաշտի կեղերոնում տեղադրուած էին խոշոր լողացող կրիաներ: Արցախի շատ զիւղերում գորգի վրայ թագակիր խոյեր էին, Սասունի, Մուշի յօրինուածքներում՝ բազմազուլու վիշապներ, Հայաստանի արեւելեան բազմաթիւ օճախների գորգերի վրայ միրհաւն էր, վիշապի բազմաթիւ կերպարանաւորումներ են յայտնի Արցախի ու Սիւնիքի, Գուգարքի ու Արարատեան երկրի գորգերի վրայ, դրանց կողքին հանդէս են գալիս այլ կենդանակերպեր եւս: Հայկական գորդարուեստում այդ կենդանիները չեն պատկերուած բնապաշտական նմանութեամբ, դրանք խիստ ոճաւորուած են, պահպանուած են միայն ամենից բնորոշ դժաճեւերը: Յաճախ նոյն արտայայտչամիջոցներից կազմուում են տարբեր պատկերներ, նոյն տարրերը՝ կեռերը, դժերը, ճանկերը դասաւորուած են տարբեր կշռոյթներով՝ մի դէպքում զարդանախշը ընթերցուում է իրրեւ կարիճ, միւսում՝ թռչուն, օճ կամ խեցզետին եւ այլն: Հետաքրքիր է, որ սակաւ են հանդիպում նաեւ զուտ բուսական զարդանախշեր, բոլոր կենաց ծառերն էլ ունեն կենդանակերպութեան ինչ-որ գծեր, որը նոյնպէս խորը հրնութեան ասպցոյց է եւ գալիս է Փոքր Ասիայի հնագոյն արուեստներից:

Այս բոլոր զարդանախշերն էլ սկզբնապէս եղել են տոհմանշաններ եւ հետագայում, ազգի ձեւաւորման հետ է, որ մի քանի տոհմանըշաններ միաւորուել են աւելի մեծ յօրինուածքներում: Մեր կարծիքով, դասական վիշապագորգերը առաջացել են այն շրջանում, երբ աւարտուել է հայ ժողովրդի եւ նրա միասնական շրջարանի կազմաւորումը: Դժբախտաբար, քիչ բան է հասել նախահայկական շրջանի արուեստից, քրիստոնէութիւնը ոչնչացրեց հեթանոսութեան բոլոր դրսեւորումները, բայց դրանցից մէկը՝ գորգարուեստը մնաց ժողո-

վրդրի արուեստի ընդերքում, նպաստեց ականդոթների յարահոսին, որի շնորհիւ էլ միջնադարում եւ աւելի նոր ժամանակներում գործուել են իրենց ականդապաշտութեամբ զարմացնող գորգեր: Բազմաթիւ ուսումնասիրողներ, չլսորանալով հայ արուեստի ականդրների մէջ, հեթանոսական զարդաձեւերը սելճուքեան ու թաթարական ցեղերի հետ բերում էին արեւելքից, զանց առնելով այն, որ ո՛չ Միջին Ասիայում, ո՛չ նրանից անդին չեն պահպանուել վիշապադորգերի տիպի թարզ յօրինուածքներ, անգամ նշանաւոր վիշապը, որի վրայ յենում են ներմուծման տեսութեան շատ կողմնակիցներ, իր ոճաւորման առանձնապատկութիւններով միանգամայն տարբեր է շինական վիշապից, ու մեղ քաջ ծանօթ է խեթական արուեստից սկսած մինչեւ Ախթամարի քանդակները:

Գորգարուեստի այդ հանելուկային, հնագոյն զարդաձեւերի ուսումնասիրութեան համար մեղ օգնութեան են հասնում ազգագրութիւնն ու բանահիւտութիւնը: Միայն դրանց տուեալները կարող են շունչ հաղորդել պատմիչների վիպութիւններին, գորգի տարածման քարտէսին: Հենց դրանց հետ ծանօթ չլինելու պարագան է գորգարուեստի արտասահմանեան մասնագէտներին կտրել հարցի էութիւնից: Ազգագրութիւնը ուսումնասիրում է գորգը որպէս արտագրութեան մի ճիւղ, տեղեկութիւններ տալիս իւրաքանչիւր շրջանի գործուածքի, ներկանիւթերի, աշխատանքի գործիքների առանձնապատկութիւնների մասին, ուսումնասիրում գորգի դերը կենցաղում, տալիս նրա հետ կապուած սովորութիւնները, ինչպէս նաեւ հաղորդում այլ տուեալներ, որոնք անմիջական կապ չունեն գորգարուեստի հետ, բայց առանց դրանց դրա ուսումնասիրութիւնը անհնար կը լինէր: Յատկապէս ազգագրութիւնը ուսումնասիրում է ժողովրդի տարբեր ազգագրական խմբերի տեղաշարժերը, դրանց փոխյարաբերութիւնները: Այդ հարցում գորգարուեստ ուսումնասիրողին զգալի ծառայութիւն կարող է մատուցել նաեւ բարբառագիտութիւնը: Մեր դիտումները ցոյց են տալիս, որ երբեմն առանձին բարբառների փոխյարաբերութիւնը համեմատելի է զրանցով խօսող ազգապրական խմբերի ձեռարուեստների փոխյարաբերութեան պատկերին: Այդ երեւոյթը դիտւում է յատկապէս Արցախի գիւղերում:

Այսօր Սովետական Հայաստանի ազգագրական պատկերը շատ բարդ է եւ ասես լինի Հայկական լեռնաշխարհի բնակչութեան քարտէսի իւրօրինակ մի մանրակերտուած¹⁷: Ներկայացուած են ե՛ւ ա-

17. S. T. Vartumian, **Characteristic Features of Major Ethnographic Areas in Armenia in the 19th Century**, VII Congress International

րեւմտահայերի, ե՛ւ արեւելահայերի ե՛ւ Պարսկահայքից եկած վերաբնակիչների ստուար խմբեր: Բնիկ են Սիւնիքի, Շամշաղինի եւ Նոյեմբերեանի շրջանների, Լոռույ մի մասի, Վայոց Ձորի մի քանի գիւղերի, Սեւանի աւազանի եւ Արարատեան դաշտի մի քանի գիւղերի բնակիչները: Դրանց կողքին կայ Ալաշկերտից (Ապարան, Մարտունի, Շահնազար գիւղ) Հին Պայազիտից ու Կաղզուանիչ (Կամօ, Վարդենիս, Հրազդանի շրջան), Մուշից ու Սասունից (Թալին, Ապարան, Արարատեան դաշտի որոշ գիւղեր, Աշտարակի հիւսիսային ու արեւմտեան գիւղերը, Շիրակի դաշտ), Կարսից ու Կարինից (Շիրակ, Վրաստանի հարաւային շրջանները), Վասպուրականից ու Շատախից (Երեւանը իր շրջակայքով, Արտաշատի եւ Վեդու մի շարք գիւղեր, Կրասնոսելսկի մի շարք գիւղեր), Պարսկահայքից ու Պարսկաստանից (Վայոց Ձոր, Արարատեան դաշտի արեւելեան հատուածը, Մեղրի, Ղափանի ու Սիսիանի մի շարք գիւղեր) գաղթած բնակչութեան մի ստուար զանգուած: Բնակչութեան մի զգալի մասը նոր վայրերն է փոխադրել նաեւ գորգարուեստը իր տեղային գծերով հանդերձ, առաջացել են նոր խաչածեւումներ, գորգերի նոր զարդանկարներ: Այս ամէնը անբաւարար իմանալը մեծ խառնաշփոթութեան տեղիք է տալիս գորգարուեստին նուիրուած ուսումնասիրութիւններում:

Եւ վերջապէս, առանց բանահիւսութեան զբառած առասպելներէ, հեքիաթների, երգերի դժուար է թափանցել ժողովրդական մտածողութեան խորքերը, բացայայտել դարերի ընթացքում մշուշով պարուրուած հաւատալիքներ, որոնց պատկերային արտացոլումն են հանգիսնում գորգերի զարդահամակարգերը:

Արդ, կատարելով գորգարուեստի ուսումնասիրութեան հետ կապուած նախնական աշխատանքները, այն է.

ա. Պատմական վկայութիւնները հաւաքելը եւ դրանք տուեալ շրջանի հնագիտական ապացոյցների հետ համեմատելը, ծանօթանալը նկարչութեան ու արուեստի տարբեր ճիւղերում ընդօրինակուած գորգի նմուշներին եւ դրանց առանձին զարդածեւերին,

բ. Անխտիր բոլոր գորգագործական շրջաններում դաշտային աշխատանքների միջոցով գորգերի հաշուառումն ու փաստադրումը, եւ դրա հիման վրայ տիպերի տարածման մանրամասն քարտէսի կազմումը,

գ. Գրականութեան մէջ արդէն հրապարակուած, թանգարաններում ու մասնաւոր հաւաքածոներում պահուող նիւթերի համեմա-

տումը դաշտային աշխատանքի արդիւնքների հետ, դրանց ճշգրտումը, վերջիններիս օգնութեամբ,

դ. Հաւաքուած նիւթի ազգագրական մեկնաբանումը, բանահիւսութեան ու ձեռարուեստի համեմատելիութեան եզրերի բացայայտումը,

կարելի է անցնել գորգարուեստի ուսումնասիրութեան ամենակարեւոր ու վճռական փուլին: Յատկապէս հայկական գորգարուեստը, ինչպէս տեսանք, մի ասպարէզ է, որը շատ բան է պահպանել արուեստի հնագոյն շրջանից, եւ ուստի կարեւոր է նրա սեմանտիկ (նշանադիտական) ուսումնասիրութիւնը, այսինքն՝ նրա խորհրդա-իմաստների վերծանումը: Սեմանտիկ վերլուծութիւնը ուսումնասիրողի համար բաց է անում մոռացուած, դարմանահրաշ մի աշխարհ, որտեղ զանազան խորհրդանշանները տարբեր պատկերահամակարգեր կազմելով, մեզ են փոխանցում մեր նախնիների հոգեւոր պատկերացումները:

Գորգարուեստի ուսումնասիրութեան մէկ այլ մակարդակ է գորգի սեմետիկ (ձեւաբանական) ուսումնասիրութիւնը, որը բացայայտում է ժողովրդական ստեղծագործութեան ներքին տրամաբանութիւնը, բացատրում միմեանց ազգակից, սակայն տարբեր լուծումներ ունեցող անհաշիւ տարբերակների ու փոփոխականների առաջացումը:

Անշուշտ, այս ուղղութեամբ սկսել են կատարուել առաջին քայլերը, բայց դրանց արդիւնքներն էլ բաւական պերճախօս են եւ ցոյց են տալիս թէ ինչպէս նախկինում սոսկ առեւտրի ու յարմարակեցութեան դեղեցիկ իրեր համարուող գորգերն ու կարպետները ուսումնասիրութեան համակողմանի մեթոտի դէպքում կարող են բացել իրենց թաքնուած աշխարհը, եւ իրենց հերթին օգնել պատմաբաններին, հնագէտներին ու ազգագրագէտներին, լեզուաբաններին ու արուեստաբաններին՝ լուծելու շատ խնդիրներ:

ՆԿԱՐՆԵՐՈՒ ԾԱՆՕԹԱԳՐՈՒԹԻՒՆ

Նկար 1. Սաչակեղերոն վիչապագորգ, 18-րդ դար, Պետլինի քանդարան: Իր յօրինուածքով եզակի այս գորգը կամուրջ է նետում միջնադարեան դասական վիշապագորգերի եւ 18-20-րդ դարի ժողովրդական գորգերի միջեւ: Վիշապների գծագրութիւնը պարզում է, մօտեմալով «գիլէ» կոչուած օճակարպետներին: Դրանց մարմնի պուտաւորումը բնորոշ է նաեւ 13-14-րդ դարի հայկական հարթափան-

դակներին ու խեցեգործական իրերին: Այսպիսի գատորոշ կեդրոնական խաչը նորուքին է վիշապագորգերի գարդանկարում, եւ հաւանաբար, 18-րդ դարի դժնդակ պայմաններում վերելի հասած ազգային գիտակցութեան դրսեւորման արդիւնքն է. ինչպէս նախկինում հեթանոսութիւնը, քրիստոնէութիւնը նոյնպէս յայտնուեց հալածուած վիճակում, որով ժողովրդի համար դարձաւ առաել սիրելի: Այդ դարերում է, որ հարիւրամեակներ շարունակ անփոփոխ հիւսուած շատ հեթանոսական գորգեր վերածուելու են քրիստոնէական խորհրդանշանների թելադրանքով: Այդ երեւոյթը աւելի պարզ է արտայայտուում «Գուհար» ընտանիքի գորգերում:

Նկար 2. *Վարսանդադորդ* 19-րդ դարի սկիզբ, Ագուլիս: Անմիջականօրէն հայկական միջնադարեան գորգերի հետ կապուող եւ պատմական Գողթան գաւառում գործուած այս չֆնազ գորգը ապացոյցն է հնագոյն արանդների յարատեւման: Այսպէս փոքր ինչ այլ մեկնաբանմամբ հանդիպում ենք քիւ 1 վիշապագորգի վարսանդներին, որոնք հայկական հեթանոսական արուեստում պողաբերութեան եւ արգասաւորութեան, հետեւապէս եւ Անահիտ դիցուհու խորհրդանիշներն են: Գալարուն, Տ-անման վիշապաձեւերից բաղկացած գորդագօտին կապ է ստեղծում Սիւնիքի, Արցախի եւ Վասպուրկանի, Պարսկահայքի գորգագործական դպրոցների միջեւ եւ դա հասկնալի է, որովհետեւ յատկապէս Նախիջեւանի վրայով էին իրացում պատմաշակութային եւ տնտեսական բարդ կապերը Արեւելեան եւ Արեւմտեան, Հիւսիսային եւ Հարաւային Հայաստանների միջեւ: Այս գորգը վերջիններից է, որոնց վրայ տեսնում ենք հիանալի «որդան կարմիր» եւ «հինդիգոյ» ներկերը:

Նկար 3. *Արծուադորդ*, 19-րդ դարի վերջին քառորդ, Արցախ, գիւղ Պոտեանց: Գորգի յիշատակարանը վկայում է. «Այս գաբան պատկանի Բախիշ Բեկլարիան»: Յայտնի է նաեւ գորգագործուհու անունը — Իսրայէլեան-Ղուլեան Գիւլիսա: Այս գորգի գարդանկարում արժէքաւոր է կեդրոնականգ թէք, նախնաւորուած քառակուսին, որը ծագումնաբանական ուղղակի կապ է ցուցաբերում ուրարտական որմնակարներում հանդիպող «երկինք» խորհրդանիշի հետ, որը ներկուած կողմերով քառակուսի է: Վարի եւ վերի աղեղնաձեւ գարդանները վիշապագորգերի «շեղականների» հետագայ բնաշրջման արդիւնքն են, եւ պարունակում են ջրային խորհրդանշաններ — օձեր եւ խեցեցետիներ: Կեդրոնում ռուարուած կարիւնն է:

4. «Վիշապ-խոյ-եղջիւր» յօրինուած քով դորդ, 1881 թ., Վալոց Ձոր (Եղեգնաձորի շրջան):

Ուսումնասիրողների կողմից միակողմանիօրէն «Թալիշ-Լեւնոբրան» անուանուած այս գորգը, մեծ մասամբ, գործուել է Այրարա-

տում, Վայոց Ձորում, Գուգարֆի արեւելքում եւ Արցախի հարաւում: Տոտեմական ծագում ունեցող խորհրդանիշների մի բարդ համակցում է դա: Ձոյգ վիշապների կեդրոնում, բազմանիստ ձեւամակերեսում կենաց ծառն է նրան յարող, կեռ օձանախշերով, այս համագարդը ներքեւից եւ վերեւից պսակում է խոյերի մորթիներով, որոնց միջով անցնում է բուսականացրած կարինանախշը, որն ըստ Անանիա Շիրակացու, պտղաբերութեան խորհրդանիշ է եւ մեզ ծանօթ է նախորդ Արծուագորգի աղեղնաձեւ զարդանախշից:

Նկար 5. *Վիշապագորգ*, 19-րդ դարի առաջին տասնամեակ, Ալաշկերտ: Այս գորգի յորինումածին ու դրա առանձին տարրերը աչքի են ընկնում իրենց զարմանալի հնամանդութեամբ: Առանձին զարդանախշեր ուղղակի համեմատելի են մեզ հասած հնագոյն, 13-րդ դարի գորգերի հետ: (Հմտ. Պետլինի պետական քանգարանի վիշապի եւ արծուի պայֆար պատկերող գորգի կեդրոնական զարդանախշի աջ եւ ձախ կողմի խորհրդանիշների հետ): «Գոհար» ընտանիքի մի վաղագոյն նիւզն է:

Նկար 6. *Աստղագորգ*, 19-րդ դարի վերջ, Արցախ (Հաղուրթի շրջան): Այս գորգը, որը նախկինում կոչուել է միայն «Ազստափա», գործուել է Հայաստանի Ուտիֆ եւ Արցախ նահանգներում, Մեղրիի շրջանում: Արտաֆինից աստղի «անմեղ» ձեւ ունեցող այս յորինումածքը, իրականում, կանացի եւ արական խորհրդանիշների համադրմամբ ստեղծուած եւ դրանց մօտ տեղադրուած «հրեղէն հաւքերով» արտայայտում է պտղաբերութեան, կեանքի յարատեւման գաղափարը:

Նկար 7. *Մեղրիում ստեղծուած այս մեծադիր կարպետը* (1884 թ.) նախորդ գորգի կարպետային տարբերակն է, որը ցոյց է տալիս որ Հայաստանում այս յորինումածքը տեղային էր եւ սիրուած:

Նկար 8. *Թոջնային եւ օձային խորհրդանիշներով կարպետ*, 1908 թ. Արցախ, գիւղ Պտերանց, գործ — Իսրայէլեան-Ղահրամանեան Բոգումի (մահացել է 1948 թ., 90 տարեկան հասակում: Արցախի ամենանշանաւոր վարպետներից մէկը, մեզ հասած մօտ քառասուն գորգի եւ նոյնքան էլ կարպետի հեղինակ):

Այս տիպի կարպետները ուրոյն լեզուով «վերաշարադրում են» Արծուագորգերի, Վիշապագորգերի խորհրդանշանները օղակաշարկեդրոնաձիգ դասաւորութեամբ, որով եւ արտայայտում են տիեզերածնական, բնապաշտական վաղնջական ըմբռնումները: Նրանց շեղագիծ, շարժուն յորինումածքը միջնադարեան վիշապագորգերի ոմի պերնախօս արձագանգն է:

THE ART OF ARMENIAN CARPETS

VAHRAM TATIGUIAN

(Summary)

During the last century most studies devoted to oriental carpets have categorized them as: «Anatolian», «Caucasian», «Persian», «Middle-Asian», and «Chinese», failing to distinguish the Armenian carpet, which by its own particular aspects of art does not really fall under the above-mentioned categories.

The art of Armenian carpet weaving has its roots deep in the Uartian (IX-VI centuries B.C.) culture, and bears the influence of the Armenian pagan religion, ethnology, and folklore. A thorough knowledge of these fields makes possible a meaningful study of the Armenian carpet. And only through a study of the semantics of the Armenian carpet will it be possible to evaluate and acknowledge the particular place of the Armenian carpet in oriental carpets.